





THE LIBRARY
OF
THE UNIVERSITY
OF CALIFORNIA





鄉飲酒禮笏記

此卷係明人修版
 卷之三
 辛酉

尾附庭揖禮笏記

鄉飲酒禮笏記一



4159
-P38

蘇州府志卷之四

鳳陽縣志卷之四

W. H. Allen

鄉飲酒禮笏記

定望

主人一○賓一

有德行學術者

○介一

德行亞於人者

○僎

鄉人之為衆所遵法公大夫而者無

額○賓長三

齒高望重者

○象賓

以齒為序不恨多寡

○贊禮

通鍊禮儀者

相司正一

剛敏公直者

○樂正一

明曉樂律者

○贊唱二

○舉觶三

者一○司尊一○司俎一○司籩四○司豆四○司筵一○司

帨一○徹俎三○

沃洗一○瑟人二○歌人二

今用儒生○笙

人四○鼓人一○磬人一○竹解童子四

戒賓介

前期主人盛服詣賓門外之西東面立○賓盛服出門外之

東西面立再拜○主人荅再拜○主人請某將以某日行鄉飲

酒之禮敢請吾子之為賓○賓辭某固陋不足為禮敢辭○主

人申請謀諸父老咸曰莫若吾子賢敢固以請○主人再拜○

賓再拜○主人揖告退○賓再拜○主人不荅而退○至介所

亦如之但命辭改
賓為介

設席

當日夙興贊禮帥司筵設賓席於戶牖之間南面蒲筵綳筵
長丈六尺

○主人席於阼階上少北面○介席於西階上少北東面○僕

席於房戶東南面公席三重大夫席再重僕多則以
次而東又西面北上於主人之北○賓長席

於賓席之西南面不屬○象賓年六十以上席於三賓之西南

面多則又東面北上於介北○六十以下席於西階下稍間當序東面北上

多則又北面東上於門內之西○卷置工席樂正席於房戶內西南隅○設賓

介以下降立位西階下當序東面○主人降立位於阼階下當

序西面○相者衆執事位於其南少退西面北上○贊禮位於

阼階下之西○樂正位於西階下之東○笙人位於磬人南北

面東上○司正位於笙南中庭北面○賓介以下立位門外之

西東面北上○主人立位於門外之東西面○僕次于門外別

所

陳器

贊禮帥司尊司饔司饔司巡沃洗樂正諸執事監設○設兩尊于

兩戶之間承以斯禁○玄酒在尊西加二勺于尊南○覆以綌

幕○設篚于禁南東肆實爵三觶一帨巾四○設洗盤于阼

階東南南北以堂深東○水壘于洗東加以沃料○設篚于洗

西南肆實觶四帨巾四○實介以下坐席于洗南○主人席坐

于洗北○磬懸于階間縮雷○鼓懸于阼階西南

具饌

殺牲狗烹于東北○賓禮帥司俎取右體監載○賓俎載正

脊代脊肩肺肺則○主人俎載脰脊長脊臂肺

○僕俎載脊脅臠肺脊脅分長臠之次○介俎載

橫脊短脊胙肺無係則○並陳於東壁下南上○賓禮帥司

籩司豆監薦○實脯于籩各五挺長尺二寸○橫祭脯一挺于其上

長六寸○籩之多寡稱人○盛鹽于豆如籩之數○五十者二豆八十者五豆六十者三豆七十者四豆九十者六豆

○并陳于房中東西壁下南上○且庶羞陳于房中北壁下○

燕時乃用

速賓

賓介衆賓俱盛服至近郊就館○司俎告羹定于主人○主

人盛服詣賓館門外之西東面立○賓出門外之東西面立

○主人速賓有司已具請吾子蒞之○賓再拜對吾子重辱某敢

不赴命○主人荅再拜○仍揖告退○賓再拜○主人不荅而

退○詣介館亦如之○主人還○賓介衆賓皆從之○僎就

館

序立

主人主於阼階下當序西面○相者以下立於主人之南少退後西面北上○贊禮立於位西面○樂正立於位東面

迎賓

賓介衆賓序立於門外之西東面北上○主人出門外之東西面立○贊禮相者立於主人之左少退○主人再拜賓○賓答再拜○主人側身西南面一拜介○介答一拜○主人西南面揖衆賓○衆賓答揖○主人西面揖賓○賓答揖○主人先入門右至內嚮當曲西面立待賓○贊禮相者從之○賓厭

介介厭象賓入門左當曲東面北上立○主人揖○賓答揖○
乃相背而行至陳相向立定○主人揖○賓答揖○又向北而
行當碑相向立定○主人揖○賓答揖○又向北而行至兩階
下相向立定○主人揖賓請升請吾子之先升賓揖辭某不敢

先升敢辭

○主人復揖請固請吾子升

○賓又揖辭某誠不敢

敢固辭

○主人復揖請終請吾子升

○賓又揖辭某終不敢聞

命○主人由阼階升先右足陟一等○賓由西階升先左足○
並涉級聚足連步以上○主人至阼階下當楣北面立○賓至
西階上當楣北面立○贊禮就位北面立○相者就位主黨也
以西面○樂正以面介及衆賓隨至西階下當西序序立東面

如上○徹介俎立于象賓之末○瑟歌笙人立于徹俎者之右
○主人北面再拜○賓北面荅再拜

獻賓

司尊升自西階適尊所徹罍奠于禁上降復位○主人詣禁
南坐取爵于篚興由阼階降○賓降自西階當西序東面立○
主人阼階前西面坐奠爵興辭某也行事不敢煩吾子○賓對
吾子辱有事某不敢在堂○主人坐取爵興適洗北南面坐○
賓進洗南北面辭某不足以辱吾子請勿洗○主人坐奠爵于
篚興對某也將為禮不敢不致潔○賓復西階下位東面立○
主人坐盥○沃洗者沃盥○主人取爵沃洗奠爵祝手取爵興

詣階下西面坐奠爵興向賓揖○賓荅揖○主人讓升○請吾
子升○賓荅讓果不敢先升○主人坐奠爵先升就阼階上位

北面立○賓繼升就西階上位北面拜洗○主人坐奠爵遂荅
拜取爵興降階西面立○賓降階當序東面立○主人辭降辭

見上○賓對辭見上○主人適洗北坐盥○賓進洗南辭盥辭

見上○主人興對辭見上○賓復階下位立○主人坐平盥祝

手興及階與賓一揖一讓升○賓西上階疑立○主人坐取爵

以立○賓西階上北面一拜主人少退○賓進席前東北面受

爵退復西階上位○主人復阼階上北面一拜賓少退司籩司

豆升自西階適左旁以脯醢出北面坐薦於賓席前脯西醢

東興降復位○賓執爵進升席自西方中席南面立○司俎以折俎由東壁行升自西階詣賓席前北面坐設于薦南興降復位○賓坐左執爵右取脯授于鹽祭之豆間○奠爵于薦西興右手取肺卻左手執本坐弗繚右絕末以祭尚左手擘之興如于俎○司帨升自西階通簋酌取帨詣席賓前進之○賓受帨○司帨退復位○賓坐挽手安帨于地遂取爵三祭酒於地○執爵興就席末坐啐酒興○降席西坐奠酌興拜告旨坐執爵興○主人阼階上荅拜○賓復西階上北面坐平爵興坐奠爵遂拜執爵興○主人阼階上荅拜

賓酢主人

賓以爵降階下位東面立○主人降立阼階東西面○賓坐奠爵興辭辭見上○主人對辭見上○賓坐取爵興通洗南北面

○主人適阼階東南面辭洗辭見上○賓奠爵于篚興對辭見上

見上○主人復西面立○賓坐盥○沃洗者沃盥○賓取爵沃

洗奠爵執手取爵興詣西階下東面奠爵興向主人揖○主人

答揖○賓讓升辭見上○主人答讓辭見上○賓坐取爵先升

西階上北面立○主人緇升阼階上北面立上洗○賓坐奠爵遂

答拜興階東面立○主人降階西面立○賓辭降○主人對○

賓適洗南北面坐盥○主人阼階東南面辭盥○賓興對○主

人復西面立○賓坐卒盥執手興及階與主人一揖一讓升○

主人阼階上疑立○賓坐取爵興詣尊南坐實酒○興詣主人
席前東南面奉爵以立○主人阼階上北面拜賓小退○主人
進席前北面受爵退復阼階上○賓還西階上北面拜主人少
退○司籩司豆升自西階適房以脯醢出東面坐薦於主人席
前脯醢南興降復位○主人執爵進由席東升自北方中席西
面立○司俎以折俎由東壁行升自西階詣主人席前東面坐
設于薦西興降復位○主人坐左執爵右手取脯授于醢祭之
豆間○奠爵于薦北興○右手取肺卻左手執本坐弗繚右絕
末以祭尚左手齊之興加于俎○司帨升自西階適篚取帨詣
主席前授之○主人受帨○司帨退復位○主人坐挽手安帨

于地遂取爵祭酒興就席末坐啐酒興○降席自南方適阼階
上北面坐卒爵興○坐奠爵遂拜執爵興○賓西階上北面答
○主人詣東序端東面坐奠酌興○賓詣阼階上北面再拜
崇酒○賓西階上答再拜

酬賓

主人詣禁南坐取觶于筵降階西面立○賓降階東面立○主
人坐奠觶興辭○賓對○主人坐取觶興適洗南北面坐奠
觶于篚下○沃洗者沃盥○主人取觶洗卒掬手興及階坐奠
觶興與賓一揖一讓坐取觶興升○賓升西階上北面跪立○
主人詣尊所坐實觶興○復阼階上北面坐奠觶遂拜執觶興

○賓西階上荅拜○主人坐祭遂飲卒觶興坐奠觶遂拜執觶興○賓荅拜○主人降階西面立○賓降階東面立○主人坐奠觶興辭○賓對○主人坐取觶興適洗北南面坐○賓進洗南東北面辭洗○主人奠觶于篚興○賓復西階下位○主人坐盥○沃洗者沃盥○主人取觶沃洗奠觶拱手取觶興詣下坐奠觶興一揖一讓坐取觶興升○賓升西階上疑立○主人詣尊酌坐實觶興進賓席前北面立○賓西階上北面拜主人少退○進坐奠觶于薦西○賓辭○進席前北面坐取觶興復西階上位○主人還阼階上北面拜賓少退○進席前北面坐奠觶于薦東興復西階上位○主人揖○賓荅揖○主人降

立阼階下西面○賓降立於西階西當序東面

獻介

主人與介相向揖○介荅揖○主人讓升○介荅讓○主人先升阼階上北面立○介繼升西階上北面立○主人再拜○介荅再拜○主人詣東序端坐取爵興降階西面立○介降階東面立○主人坐奠爵興辭○介對○主人坐取爵興適洗北南面立○介進洗南北面辭洗○主人奠爵于篚興對○介復西階下位○主人坐盥沃洗者次之○主人取爵沃洗奠爵授手取爵興詣阼階下西面坐奠爵興揖○介荅揖○主人讓升○介荅讓○主人坐取爵先升○介繼升西階上疑立○主人

諸尊所坐實爵興○進介席前西南面奉爵以立○介西階上
北面拜主人少退○介進席前北面受爵復西階上○主人就
介右北面拜介少退○司籩司豆升自西階適房以脯醢出西
面坐薦于介席前脯南醢北興復位○介執爵進升席自北
方中席東面立○司俎以折俎由東壁行升自西階詣介席前
西面坐設于薦東興復位○介左執爵右祭脯醢奠酌于薦
南興○右手取肺卻左手執木坐右絕末以祭興加于俎○
司帨升取帨于篚進介席前授之○介受帨○司帨退復位
○介坐挽手交帨于地遂取爵祭酒執爵興○降席自南方
復西階上北面坐卒爵興○坐奠爵遂拜執爵興○主人於

介右荅拜還阼階上位

介酢主人

介以爵降階東面立○主人降階西面立○介坐奠爵興辭○
主人對○介坐取爵興適洗南北面坐○主人即階阼下南面
辭洗○介奠爵于篚興對○主人復西面○介坐盥沃洗者
沃之○介取爵沃洗奠爵挽手取爵興復西階下位○主人
適洗北南面坐盥挽手興復階下位○介坐奠爵興向主人揖
○主人荅揖○介讓升○主人荅讓○介坐取爵先升○主人
絀升○介進兩楹間東面授主人爵○主人進西面受爵○介
復西階上北面○主人詣尊所坐實爵興○就西階上介右北

面坐奠爵興○介答拜○主人坐祭遂飲卒爵興○坐奠爵遂
拜執爵興○介答拜○主人就西楹南坐奠爵興○還詣介右
再拜崇酒○介答再拜○主人復阼階上揖○介答揖○主人
降立階下西面○介降立于賓南

獻三賓

主人西^南面三拜衆賓○賓長三人各答一拜○主人揖○一
賓長答○主人升○賓長緇升○主人詣西楹南坐取爵興○
復阼階上降立于階下○一賓長降詣東面立○主人坐奠爵
興辭○一賓長對○主人坐取爵興適洗北坐○一賓長適洗
南北面辭洗○主人奠爵于篚興對○賓長西階下復位○

主人坐盥沃洗者沃之○主人取爵沃洗奠爵執手取爵興
○復酢階下西面坐奠爵興揖○一賓長答揖○主人坐取爵
先升一賓長繼升西階上疑立○主人詣尊所坐實爵興通
爵階上西南面獻賓長一賓長北面拜主人少退○一賓進北面受爵○
主人於賓長之右北面拜賓長小退○司饔司豆升適房取脯
鹽北面坐薦于一賓長席前脯西鹽東興復位○賓長進升席
自西方中席南面坐○左執爵右祭脯鹽遂祭酒興○降席自西
方復西階上北面立卒爵○進授主人爵○主人受爵坐奠于西楹南
興復降階上揖○賓長答揖主人降階西面立○賓長降立于介南

疊唱

主人向三賓長揖○三賓長答揖○主人升○三賓長繼升
○主人西楹南詣坐取爵興復位降階西面立○三賓長降
階東面○主人坐奠爵興辭○賓長對○主人坐取爵興適
洗北南面坐盥洗扱手取爵興復降階下坐奠爵興揖○三
賓長答揖○主人坐取爵興先升○三賓長繼升○西階上疑
立○主人詣尊所坐實爵興適西階上西南面獻賓長賓
長北面拜主人少退○賓長進北面受爵○主人於賓長之右北
面拜賓長少退○司籩司豆升適房取脯醢坐薦于三賓席
前興復位○賓長升席自西方中席南面坐○左執爵右祭脯
醢遂祭酒興○席降自西方復西階上北面立卒爵○進授主

人爵○主人受爵坐奠爵于西楹南興復阼階上揖賓長答揖●主人降階西面立○三賓長降立于二賓長之南

獻衆賓疊唱

主人向衆賓一人揖○衆賓一人荅揖○主人升○衆賓一人升西階上疑立○主人詣西楹南坐取爵興○適尊所坐實爵興○適西階上西南面獻衆賓○衆賓一人北面受爵○司邇司豆升適房取脯醢降西面坐薦于衆賓席前興復位○衆賓一人升席自西方中席東面坐衆賓則唱執爵降即席東面坐○左執爵右祭脯醢遂祭酒興○降席自西方復衆賓則唱執爵升西階上北面立卒爵○進授主人爵○主人

受爵降奠于洗所之篚還詣阼階下西面立○象賓降復位○
樂正繖俎皆以象賓序齒

一人舉觶

主人向賓揖○賓荅揖○主人讓升○賓荅讓○主人先升○
賓厭介介厭三賓以次升並就席隨向立○贊者一人詣洗南
坐盥取觶于篚沃洗興○升自西階詣尊所坐尊實觶興○
適西階上北面坐奠觶遂拜執觶興○賓就席西端南面荅拜
○一人坐祭遂飲卒觶興○坐奠觶遂拜執觶興○賓荅拜○
一人降適南坐奠觶于篚盥手執觶沃洗興○升詣尊所坐
實觶興○適西階上北面立○賓拜○一人進賓席前坐奠觶

于薦西○賓辭○坐受觶以興○一人興復西階上北面拜○
賓坐奠觶于其所興○一人降復位

饌八

饌入門內之西東面立○主人降○賓介衆賓皆降立于西
階下當序東面賓介間容饌多寡○主詣人門內之東西向
揖○上饌答揖○主人及衆饌各相背而行至陳相向立○主
人揖○上饌答揖○至碑相向立○主人揖○上饌答揖○主
人至阼階下西面立○饌至西階下東面立○衆饌以次進立
于賓介之間○主人揖○上饌答揖○主人讓升○上饌答讓
○主人阼階上北面立○饌繼升西階上北面立○主人再拜

儀答再拜

獻儀

我國無公爵今只採大夫禮

主人詣禁南坐取爵興降立阼階下西面○僎降立西階下東面○主人坐奠爵興辭○僎對○主人坐取爵適洗北南面坐○僎進洗南辭洗○主人坐奠爵于篚興對○僎復西階下東面立○主人坐盥取爵沃洗奠爵挽手取爵興○詣阼階下西面坐奠爵興揖○僎答揖○主人坐取爵先升○僎繼升西階上疑立○主人詣尊所坐實爵興○進僎席前西北面奉爵以立○僎西階上北面拜主人少退○僎進席前北面受爵復西階上○主人就僎右北面拜僎少退○僎辭如席某不足

如禮請去重席○主人對某不敢不致敬願吾子無辭○司籩
司豆升適房取脯醢出詣僎席前北面坐薦脯西醢東興復
位○僎執爵進升席自東方中席南面立○司俎以扚俎由東
壁行自西階詣僎前北面坐設于薦南興復位○僎坐左執爵
右祭脯醢奠爵于薦西興○右取肺卻左手執朮坐右絕末以
祭○興加于俎○司帨升取帨于篚進僎席授之○僎受帨○
司帨退復位○僎坐挽手委帨于地取爵祭酒執爵興○降席
自東方復西階上北面坐卒爵興○坐奠爵遂拜執爵興○主
人於僎右荅拜還阼階上位○若僎多則主人荅拜之下唱曰
僎進授主人爵○主人受爵坐奠于西楹南興復阼階上揖○

僕答揖。主人降階西面立。僕降立于賓南。主人向次僕
揖。次僕答揖。主人讓升。僕答讓。主人先升階上。
僕繼升西階上。主人再拜。僕答再拜。主詣西楹南坐。取
爵興復位降立階下西面。僕降立西階下東面。此下則
依原笏疊唱以至獻畢。乃唱曰。僕降立于上。僕之南。上僕向
主人揖。主人答揖。僕讓升。主人答讓。僕先升西階上。
主人繼升階上。僕就西楹南坐。取爵興復位降階東面
立。

乃唱下僕原笏若僕多則
獻僕皆畢惟上僕一人酢主人

僕酢主人

僕以爵降西階下東面。主人降階西面立。僕坐奠爵興辭。

○主人對○僎坐取坐興適洗南北面坐○主人卽階下南面
辭洗○僎奠酌于篚興對○主人復西面○僎坐盥取爵沃
洗奠爵挽手取爵興復西階下東面立○主人適洗北南面
坐盥挽手興復階下位○僎坐奠爵興向主人揖○僎讓升
○主人答讓○僎坐取爵先升○主人繼升○僎進兩楹間東
面授主人爵○主進西面受爵○僎復西階上疑立○主人詣
尊所坐實爵興就西階上僎右北面坐奠爵遂拜執爵興
○僎答拜○主人坐祭遂飲卒爵興○坐奠爵遂拜執爵
興○僎答拜○主人還階降就洗取坐奠爵于篚興○
還升詣僎右再拜崇酒○僎答再拜主人復階上揖○僎答

揖○主人降階西面立○僎降立于賓南○主人揖賓○賓答
揖○主人讓升○賓答讓○主人升○賓厭僎僎厭介介厭
衆賓以次俱升○并就席隨向立

樂賓

司延升自西階適房取二席出就西階上堂廡少東坐設樂正
席在西工席在東興降復位○瑟工二人左何瑟後首擗越內
絃先八歌二人繼之升自西就席坐北面東上○並奏鹿鳴○
呦○鹿鳴食野之苹我有嘉賓鼓瑟吹笙○鼓簋承筐是將
人之好我示我周行○呦○鹿鳴食野之蒿我有嘉賓德音孔
昭視民不忮君子是則是效我有旨酒嘉賓式燕以敖○呦○

爵于篚實酒興○詣工長席前西南面立○工皆左置瑟
○工長北面受拜不興受爵○主人還阼階上北面拜○司
籩司豆升取脯鹽出詣工長席前南面坐薦脯東鹽西興
復位○工長左執爵右祭脯鹽遂祭酒卒飲○主人詣工
長席前西南面受爵

疊唱詣尊所坐實爵興○詣次工席前西南面立○次
工坐受爵○司籩司豆升薦脯鹽降復位○次工祭酒卒
飲○主人受爵 獻工畢主人坐奠爵西楹南興○復

阼階上北面立○筮四人入階間磬南北面東上立○樂南陔
白華○齊○主人就西楹南坐取爵興○詣尊所坐實爵興○

適西階上南面立○笙長一人北面拜盡階不升堂受爵降復位主人拜○司籩司豆升取脯醢降笙長席前南面坐薦脯東鹽西興復位○笙長坐祭酒興立卒飲○升授主人爵降復位

鼻唱

主人受爵詣尊所坐實酒興○適西階上南面立次笙盡

階不升堂受爵降復位○司籩司豆取脯醢降薦于次笙席前興復位○次笙坐祭酒興立卒飲○升授主人爵降復位○獻笙畢主人受爵阼階還降奠爵于洗所之篚興○還升席西面立○乃間歌魚麗○魚麗于鬻亡鰾亡君子有酒旨且多○魚麗于鬻亡鰾亡君子有酒多且旨○魚麗于鬻亡鰾亡君子有酒

魚麗六章

小雅

興興興興興

南有嘉魚四章

小雅

興、、

南山有臺五章

小雅

興、、

多且有○物其多矣維其嘉矣○物其旨矣維其偕矣○物其

有矣維其時矣○笙由庚○歌南有嘉魚○南有嘉魚○南有嘉魚○南有嘉魚

○君子有酒嘉賓式燕以樂○南有嘉魚○南有嘉魚○南有嘉魚○南有嘉魚

嘉賓式燕以行○南有樛木○甘瓠累之○君子有酒嘉賓式燕○南有嘉魚

之○翩翩○者騅然來思○君子有酒嘉賓式燕又思○笙崇丘

○歌南山有臺○南山有臺○北山有菜○樂只君子○邦家之基○樂只君

子○萬壽無期○南山有桑○北山有楊○樂只君子○邦家之光○樂只

君子○萬壽無疆○南山有杞○北山有李○樂只君子○民之父母○樂

只○君子德音不已○南山有栲○北山有杻○樂只君子○遐不作壽

樂只君子○德音是茂○南山有栢○北山有梗○樂只君子○保艾爾後

樂只君子○德音是茂○南山有栢○北山有梗○樂只君子○保艾爾後

關雎三章

周南

葛覃三章

賦

全

為絳

卷耳四章

全

賦

笙由儀○乃合樂閔音睪音閔音睪音鳩在河之洲窈窕淑女君子好

逌○參差行菜左右流之窈窕淑女音悟寐求之求之不得寤寐

思服悠哉○輾轉反側○參差行菜左右采之窈窕淑女琴

瑟友之參差行菜左右采之窈窕淑女鍾鼓樂之葛覃葛之

覃兮施于中谷維葉萋萋黃鳥于飛集于灌木其鳴喈喈○葛

之覃兮施于中谷維葉萋萋是刈是穫為綌服之無斁○言告師

氏言告言歸薄汚我私薄澣我衣害澣害否歸寧父母卷耳

采之卷耳不盈頃筐嗟我懷人寘彼周行○陟彼崔嵬我馬馳

墮我姑酌彼金罍維以不永懷○陟彼高岡我馬玄黃我姑酌

彼兕觥維以不永傷○陟彼砠矣我馬瘠矣我僕痛矣云何吁

鵲巢三章

興、呂南

采芣三章

賦、全

采芣三章

賦、全

矣鵲巢維鵲有巢維鳩居之之子于歸百兩御之○維鵲有

巢維鳩之方之子于歸百兩將之○維鵲有巢維鳩盈之之子

于歸百兩成之○米芣于以米芣于沼于汴于以用之公侯之

事○于以米芣于澗之中于以用之公侯之宮○被之僮之夙

夜在公被之祈○薄言還歸○米芣于以米芣南澗之濱于以

米芣于彼行潦○于以盛之維筐及筥于以湘之維錡及釜○

于以奠之宗室牖下誰其尸之有齊季女○磬人北面鼓之○工

長興告于樂正正歌備樂正告于賓正歌備遂降復位

司正舉觶

主人降席自南方降階下東面向相者請為司正請司正相者

禮辭 某不能敢辭

主人申請敢固以請○相者許申命之敢不

敬從

○主人拜

司正西面答拜

○主人升復席○司正適洗

南北面坐盥取觶于篚次洗挽手興升自西階由楹內適阼
階上北面受命于主人○主人曰請安于賓○司正詣西上北
面告于賓○賓禮辭○司正固請○賓許司正還阼階上告
于主人○遂退立兩楹間○主人降席自南方就阼階上再拜
○賓降席自西方就西階上再拜○主人復席揖○賓答揖復
席○司正詣尊所坐實觶興○降自西階詣中庭北面坐奠
觶興少退拱立○司籩司豆升取脯鹽降南面薦於觶北退
復位○司正進坐取觶飲卒觶興○坐奠觶遂拜執觶興

○適洗南坐洗觶興復中庭坐奠觶于其所興少退立○賓
主以下皆拱手肅容正立○司正乃揚聲讀訓維我國家率由
舊章崇尚教禮今茲舉行鄉飲非專為飲食而已凡我長幼各
相勸勉孝於家忠於國內睦於閭門外比於鄉黨胥訓誥胥教
誨無或愆墜以忝所生賓主以下皆再拜

旅酬

賓降席自西方就席前北面坐取薦西之觶興詣阼階上北
面立○主人降席自南方立於賓東北○賓坐奠觶遂拜
執觶興○主人荅拜○賓立飲卒觶○仍詣尊所坐實觶
興進主人前東南面立○主人北面拜○賓少退○主人進受

觶○賓就主人之西北面拜仍揖復席○主人以觶詣西階上立○僕降席自東方立於主西人之北面○主人坐奠觶遂拜執觶興○僕荅拜○主人立飲卒觶○詣尊所坐實觶興詣僕前西南面立僕北面拜主人少退○僕進受觶○主人就僕右北面拜仍揖復席僕多則下唱曰次僕降席自東方立於上僕西北面○上僕坐奠觶詣尊所坐實觶興○詣次僕前南面立○次僕北面拜上僕少退○次僕進受觶○上僕就次僕之右北面拜仍揖拜復席○介降席自南方立於僕西北面○僕坐奠觶遂拜執觶興○介荅拜○僕立飲卒觶○詣尊所坐實觶興○詣介前西南面立介北面拜僕少退○介進

受觶○僕就介右北面拜仍揖復席司正升立西階上少退
西北面相旅○一賓長降席立于介之右北面○司正退立于
西序端東面○介坐奠觶遂拜執觶興○一賓長答拜○介
立飲卒觶○詣尊所坐實觶興進一賓長前東南面立○
一賓拜介少退○一賓長進受觶○介就賓長之西北面拜
仍揖復席

疊唱

司正又相旅○二賓長降席立於一賓長之左北面○二

賓長坐奠觶遂拜執觶興進三賓長前西南面立○三賓長
拜二賓長少退○三賓長進受觶○二賓長就三賓長之東
北面拜仍揖復席○司正又相旅○衆賓一人升立於三賓

之左北面○三賓長坐奠觶遂拜執觶興○衆賓一人荅拜○
三賓長立飲卒觶諸尊所坐實觶興進一人前西南面立○
一人拜三賓長少退○一人進受觶○三賓長就拜于一人之
東仍揖復席

疊唱司正又相旅○衆賓次一人升立於前一人之左北面○
前一人坐奠觶遂拜執觶興○次一人荅拜○前一人立飲卒
觶○諸尊所坐實觶興進次一人前西南面立○次一人拜前
一人少退○次一人進受觶○前一人就拜于次一人之東揖
降復位終於儒生卒受者立飲卒觶○降奠觶于洗所之篚後
位○司正降復中庭

二人舉觶

司正命賓者二人舉觶○二人詣洗南坐盥取觶于篚次洗興
升西階詣尊所坐實觶興○通洗西階上北面東上坐奠觶遂
拜執觶興○賓僎就席未荅拜○二人皆坐祭遂飲卒觶興○
坐奠觶遂拜執觶興○賓僎席未荅拜○二人逆降適洗南坐盥
洗興○升詣尊所坐實觶興○適西階上北面立○賓僎席
末拜○二人分詣賓僎席前坐奠觶于薦右○賓辭請音
子勿辱坐取觶興○僎坐于其所興○二人退復位

徹俎

司正升自西階由楹內適阼階上北面受命于主人○主人曰

請坐于賓○司正詣西階上北面告于賓○賓辭以俎○司
正就阼階上告于主人○主人曰請繼俎于賓○司正詣西階
上告于賓○賓許○司正降階前命弟子並俟徹俎○司
正升立西序東面○賓降席南北面立○主人降階席
阼階上北面○僕降席東南面介降席西階上北面○弟子皆
升西階上北面立於介右○賓取俎還授司正○司正以俎降
賓從之降立于階下位東面○主人就席前東面取俎還授弟
子○弟子以俎降自西階○主人降立于阼階下位西面○僕
北面向席取俎還授執事○執事以俎降僕從之降立于賓南
○介就席前西面取還授弟子俎○弟子以俎降階介從降立

于僕南曰三賓並降立于介南○司正及弟子各以俎授從于門外○主人弟子以俎藏于東方○司正及弟皆不就位

燕

賓主以下並說屨○主人揖○賓荅揖○主人讓升○賓荅讓○主人先升○賓厭僕○厭介○厭衆賓俱升○並就席坐○堂下衆賓及主黨諸執事坐其位○瑟人歌人並就席坐○笙人就席坐○司籥司豆升取脯醢降徧設于諸執事席前退復位坐○司俎乃進羞退復位坐○贊者二人升立西階上○賓僕取二人所奠觶飲卒○觶乃舉肴○二人分進坐受觶與尊所尊實觶興○賓觶坐奠于主人僕觶坐獻于介○主人及

介皆受觶卒飲○二人受觶興詣尊所坐實觶興詣○主觶坐
獻于一賓觶介坐獻于次僎○一賓及次僎皆受觶卒飲○二
人受觶興詣尊所坐實觶興詣○一賓觶獻于二賓若又有僎則當獻于次僎
次僎觶獻于三賓○三賓皆受觶卒飲○二人興降復位坐○
司正命童子四人行觶○童子二人升詣二三賓席前坐受觶
興○二人取觶于下篚升○並詣尊所坐實觶興詣○二賓觶
獻堂上衆賓之長○三賓觶獻于次賓○一觶又獻于次賓○
一觶又獻于次賓○獻堂行畢次及階下先獻贊禮○次獻司
正○次獻于衆賓○以次畢獻于主黨諸執事徧及于諸工終
沃洗者○又更升獻于賓僎主介如前無筭○獻畢童子受

解降奠于筮退復位坐行無筭樂

賓出

賓主及在位皆興主人降自阼階○賓僎介降自西階○樂正命鼓人奏陔夏○僎納屨留於西序東面○主人與賓介衆賓俱納屨分庭而出○主人門外之東西面○賓以下門外之西東面北上立○主人再拜賓介不答逡巡而退○主人還至阼階下立僎出○主人出○至門外相向立定○主人再拜僎不答而退○拜禮○明日賓拜賜于主人門外主人不見○賓退○主人拜辱于賓之門外賓不見


鄉飲酒禮笏記終

庭揖禮笏記

丈席就堂上南向疑立○左右曹司引班首副班首及諸生就階下外位南上相向揖○左右曹司引班首副班首及諸生徐行就第四位席端相向揖○分位折旋至第三位曲端相向揖○又至第二位曲端相向揖○又至第一位席端相向揖○左右班首及副班首諸生分四位以次立○左右副班首少前就席相向揖○北向揖丈席○丈席答揖○左位曹司誦關雎之一章○右位曹司誦鹿鳴之一章○左誦關雎之二章○右誦鹿鳴之二章○左誦關雎之三章○右誦鹿鳴之三章○左右曹司班首及諸生皆北向揖丈席○丈席


答揖○左右副班首各繞席端折旋復位○左右曹司相向
揖○各引班首副班首以下向外折旋就第二位曲端相向揖
○又就第三位曲端揖○又就第四位曲端揖○各就外位
序立北上○右左曹司及班首副班首以下相向揖○禮畢


庭揖禮笏記終




圖之禮酒飲鄉

○養身所 設祖南上
東壁





RETURN **EAST ASIAN LIBRARY ANNEX**
TO  Basement California Hall 642-3083

LOAN PERIOD 1	2	3
4	5	6

ALL BOOKS MAY BE RECALLED AFTER 7 DAYS

DUE AS STAMPED BELOW

NON-CIRCULATING		
9/30/04		
REC'D		
AUG 04 2005		
EAL		

FORM NO. DD9

UNIVERSITY OF CALIFORNIA, BERKELEY
BERKELEY, CA 94720

©1

U. C. BERKELEY LIBRARIES



C079456614



